



Օրենսդրական փոփոխություններ

Մաքսային ստուգումների նոր  
պարզեցված կարգավորումներ

[www.src.am](http://www.src.am)



## Կամերալ մաքսային ստուգումների հստակ ժամկետներ

Կամերալ մաքսային ստուգման ժամկետը չի կարող գերազանցել 40 աշխատանքային օրը: Միաժամանակ, ստուգման ենթակա անձը պարտադիր ծանուցվելու է ստուգման մեկնարկի մասին: Իսկ ստուգման ժամկետը չի կարող երկարաձգվել կամ կասեցվել:



## Մաքսային փաստաթղթերի ծանուցման նոր կարգ

Մաքսային ստուգումների վերաբերյալ փաստաթղթերը տրամադրվելու են առձեռն, փոստով, էլեկտրոնային փոստով կամ հաշվետվությունների ներկայացման էլեկտրոնային համակարգի միջոցով:

Նախկինում օրենքով սահմանված չէին էլեկտրոնային համակարգերով ծանուցման մեխանիզմներ, առկա չէին առանձին փաստաթղթերի մասով ծանուցման ընթացակարգեր:



## Ստուգման ակտի նախագիծ և առարկությունների հնարավորություն

Մաքսային ստուգման ընթացքում  
խախտումներ հայտնաբերելու դեպքում  
ստուգման ավարտից հետո՝

10 աշխատանքային օրվա ընթացքում,  
կազմվելու է ստուգման ակտի նախագիծ,  
որը 3 աշխատանքային օրվա ընթացքում  
տրամադրվելու է ստուգվող անձին:

Այն ստանալուց հետո՝ 10 աշխատանքային  
օրվա ընթացքում, դրա վերաբերյալ  
հնարավոր կլինի ներկայացնել  
առարկություններ, պարզաբանումներ:



## Ստուգմանն առնչվող բոլոր որոշումները՝ մեկ փաստաթղթում

Մաքսային ստուգումների արդյունքների հիման վրա կայացվող որոշումների տեսակները հստակ սահմանվելու և ներառվելու են ստուգման ակտում:

Նախկինում նման որոշումները կարող էին կազմվել առանձին՝ ստուգման ակտից անկախ, ինչը բարդացնում էր ստուգման գործընթացը:



## Կրկնվող անվտանգության պահանջների վերացում

Մաքսային գործի ոլորտում գործունեություն իրականացնող որոշ տնտեսվարողների համար (ժամանակավոր պահպանության, մաքսային, ազատ պահեստներ, անմաքս առևտրի խանութներ) վերացվելու են կրկնվող պահանջները: Նախկինում, միաժամանակ, պարտադիր էր, ինչպես պահնորդաազդանշանային անվտանգության համակարգերի ապահովումը, այնպես էլ՝ անվտանգության ծառայության առկայությունը, ինչը գործնականում կրկնում էր նույն պահանջը:



## Պատասխանատվության նոր կարգավորումներ

Մաքսային ստուգումների արդյունքում հայտնաբերված խախտումների դեպքում կազմակերպությունների համար սահմանվելու է պատասխանատվություն՝ նախատեսելով տուգանք՝ չհաշվարկված կամ պակաս հաշվարկված պարտավորությունների 20 տոկոսի չափով, իսկ պայմանական բացթողնման պայմանների խախտման դեպքում՝ 50 տոկոսի չափով: Կվերանայվի նաև տույժերի դրույքաչափը՝ 0.04 տոկոսից բարձրանալով մինչև 0.075 տոկոս՝ ապահովելով համապատասխանեցում ՅՅ հարկային օրենսդրությանը:

Ֆիզիկական անձանց համար նախատեսվում է առանձին կարգավորում: